



REPUBLIKA E SHQIPËRISË
KOMISIONI QENDROR I ZGJEDHJEVE

Komisioneri Shtetëror i Zgjedhjeve

Data	1.30.2023
Nr.	1234/
Prot.	1

**FTESË PËR NEGOCIATË
PËR
AGJENCITË E SPECIALIZUARA/ORGANET E MEDIAVE VIZIVE PËR
TRANSMETIMIN NGA OPERATORËT RADIOFONIKË TË FUSHATËS EDUKUESE,
INFORMUESE DHE NDËRGJEGJËSUESE (SPOTE) NË KUADËR TË ZGJEDHJEVE
TË QEVERISJES VENDORE TË 14 MAJIT 2023.**

Në mbështetje të nenit 7 pika 1/b, të ligjit nr. 162/2020 "Për prokurimin publik", të VKM-së Nr.1195, datë 05.08.2008 "Për blerjen, zhvillimin, prodhimin dhe bashkëprodhimin e programeve ose reklamave për transmetim nga operatorët radiotelevizivë ose botim në median e shkruar dhe për kontratat, për kohën e transmetimit, nga organet e administratës shtetërore" dhe Vendimin e Komisionerit Shtetëror të Zgjedhjeve nr. 220 datë 07.12.2022 "Për miratimin e Programit të Edukimit, Informimit dhe Ndërgjegjësimit të Zgjedhësve, për zgjedhjet për Organet e Qeverisjes Vendore", Komisioni Qendror i Zgjedhjeve do të realizojë "Transmetimin e spoteve edukuese, informuese dhe ndërgjegjësuese" për Zgjedhjet Vendore të 14 majit 2023.

OBJEKTI

"Transmetimin e spoteve në kuadër të informimit, edukimit dhe ndërgjegjësimit të zgjedhësve për procesin zgjedhor të 14 majit 2023 në radio.

Periudha e realizimit: 10 (dhjetë) ditë nga data e nënshkrimit të kontratës.



Fondi limit i përcaktuar për transmetimin në radio: fondi limit i procedurës është në vlerën **1,600,000** (një milion e gjashtëqind mijë) **lekë me Tvsh.**

Afati përfundimtar për paraqitjen e dokumentacionit nga media sociale/agjencia e specializuar është më datë **04.03.2023 ora 16:00** nga momenti i publikimit dhe dërgimit të ftesave.

Dokumentacioni/ofertat duhet të vijnë të gjitha të mbyllura në zarf jotransparent, në një ditë të vetme, të firmosura dhe vulosura në emrin dhe adresën e subjektit dhe me shënimin: Mos e hapni, me përjashtim të rasteve kur është i pranishëm Komisioni i Vlerësimit të Ofertave dhe jo përpara datës **04.03.2023 ora 16:00.**

Në rast të kundërt ato do të refuzohen dhe do të kthehen të pahapura.

Rrjedhimisht jeni të lutur t'i paraqisni pranë Autoritetit tonë kontraktor:

Emri: Komisioni Qendror i Zgjedhjeve

Adresa: Rruga "Ibrahim Rugova", Nr 4

Adresa web: www.kqz.gov.al

Në emër të Komisionit për ndjekjen e procedurave me objekt "Transmetimin e spoteve edukuese, informuese dhe ndërgjegjësuese në radio" kriteret do të jenë si më poshtë.

Gjuha për hartimin e ofertave është: Shqip

1. TERMAT E REFERENCËS

Qëllimi i kësaj fushate është: Informimi, Edukimi dhe Ndërgjegjësimi i Zgjedhësve në të gjithë Shqipërinë, me qëllimin final për t'u ardhur në ndihmë të gjithë zgjedhësve, që të informohen



për hapat e procesit zgjedhor, kërkimin e emrit në Listat e Zgjedhësve, dokumentet që duhen në ditën e zgjedhjeve dhe krimet zgjedhore.

Përshkrimi:

Transmetimin e spoteve në radio, në kuadër të informimit, edukimit dhe ndërgjegjësimit të zgjedhësve për Zgjedhjet e Qeverisjes Vendore të 14 majit 2023.

Spotet janë realizuar në përputhje me standardet dhe teknikat më të avancuara.

Shërbimet që kërkohen të realizohen:

Transmetimi i spoteve përmbush qëllimin e vendosur në këtë ftesë për negociatë, sipas kërkesës së Komisionit Qendror të Zgjedhjeve, duke përfshirë të gjitha kategoritë e zgjedhësve.

Karakteristikat:

- Kohëzgjatja e spotit 30 - 45 sekonda.
- Kualiteti 4K.
- Voice Over Profesional.

Për transmetimin e videove/spoteve është marrë në konsideratë

Transmetimi i spoteve kërkohet pas analizës së zgjedhjeve të kaluara, vlerësimi i targetgrupeve, nevojat për informacion kryesisht tek të rinjtë që votojnë për herë të parë, gratë, romët, personat me aftësi ndryshe e të tjerë, si dhe hulumtime të thelluara të informacionit publik në dispozicion.

Operatori ekonomik duhet të realizojë shërbimet e përcaktuara më lart në funksion të objektit transmetimin e spoteve në kuadër të Zgjedhjeve Vendore të 14 majit.

Spotet duhet të transmetohen në përputhje me standardet dhe teknikat më të avancuara, që janë realizuar me filmime të kualitetit 4K dhe Full HD.

Spotet përmbajnë sloganin kryesor dhe website zyrtar të KQZ.

Operatori Ekonomik duhet të sigurojë të gjithë infrastrukturën e nevojshme për transmetimin e spotit.

Materialet e spotit janë në formatin HD.

Materialet e përshtatura për transmetim janë në format VIDEO HD 1080 dhe Format MP4.

2. INFORMACION DHE KËRKESA SPECIFIKE NË LIDHJE ME OPERATORIN EKONOMIK KRITERET E PRANIMIT/KUALIFIKIMIT

Kriteret e përgjithshme:

Dokumentacion ligjor që duhet paraqitur për të plotësuar kriteret kualifikuese:

- a) Ekstrakti i shoqërisë, që është i regjistruar në regjistrin tregtar sipas legjislacionit të vendit ku ushtron aktivitetin, ose sipas legjislacionit të posaçëm, që ka në fushën e veprimtarisë objektin e prokurimit dhe ka statusin aktiv;
- b) Disponon licensë kombëtare
- c) Nuk është në proces falimentimi (status aktiv);
- d) Vërtetim që nuk është dënuar për ndonjë vepër penale, në përputhje me nenin 76/1 të LPP-së;
- e) Vërtetim që nuk është dënuar me vendim gjyqësor të formës së prerë në lidhje me veprimtarinë profesionale;
- f) Vërtetim që nuk ka pagesa të pashlyera të taksave dhe kontributeve të sigurimeve shoqërore, ose ndodhet në një prej kushteve të parashikuara në nenin 76/2 të LPP-së;
- g) Deklaratë që nuk është në kushtet e konfliktit të interesit, sipas legjislacionit në fuqi;
- h) Deklaratë që ka paraqitur një ofertë të pavarur, sipas kërkesave të legjislacionit në fuqi;
- i) Deklaratë që e kryen aktivitetin në përputhje me kërkesat e legjislacionit në fuqi.

Kriteret e përgjithshme financiare, kapaciteti financiar:

Për të provuar kapacitetet financiare dhe ekonomike, operatori ekonomik ofertues duhet të paraqesë kopje të certifikuar të bilancit për periudhën e vitit 2022, të deklaruara pranë autoriteteve përkatëse tatimore.

Kapaciteti teknik dhe profesional

1. Deklaratë mbi përmbushjen e specifikimeve teknike, me të cilën merr përsipër se ka kapacitetet e nevojshme për të siguruar transmetimin e spoteve.
2. Personeli Kryesor. Shoqëria duhet të disponojë personelin kryesor të nevojshëm për të zbatuar objektin e procedurës, dhe të paraqesë kontratat e shërbimit/bashkëpunimit.

Të gjitha dokumentet duhet të jenë origjinale ose kopje të noterizuara të tyre të lëshuara jo më vonë se 3 (tre) muaj nga data e publikimit të njoftimit për negociata. Rastet e mosdorëzimit të një dokumenti, ose të dokumenteve të rreme e të pasakta, konsiderohen si kushte për skualifikim.

Afati i realizimit të shërbimit do të jetë sipas kërkesave të Autoritetit Kontraktor, duke filluar nga nënshkrimi i kontratës dhe sipas specifikimeve teknike në Ftesën për Ofertë.

Në ofertën e tij, ofertuesi duhet të paraqesë të dhënat e plota të personit të kontaktit.

Përzgjedhja e ofertave do të bëhet sipas pikës nr. 7 dhe 12, të VKM nr.1195 datë 05.08.2008.

3. KRITERET E VLERËSIMIT

- **Kriteret e përgjithshme: 10**
- **kapaciteti financiar:10**
- **Kapaciteti teknik dhe profesional 30**
- **Oferta financiare e shoqëruar me Projektpropozimin për transmetimin radiofonik 50**

Vlerësohet me 30 pikë dokumentacioni ligjor i paraqitur

Vlerësohet me 20 pikë eksperiencia e mëparshme e operatorit ekonomik

Vlerësohet me 50 pikë çmimi i ofruar nga operatori radiofonik.

Oferta ekonomike do të jetë e paraqitur në lekë, pa TVSH.

Ofertuesit kanë të drejtë të marrin pjesë në procesin e hapjes së ofertave, përfaqësuesit apo personat me autorizim.

Ofertat duhet të jenë të mbyllura në zarf, të vulosura dhe do të dorëzohen nga përfaqësuesit e shoqërive zyrtarisht pranë Komisionit Qendror të Zgjedhjeve, Zyra e Protokollit, përpara orës së përcaktuar.

Komisioni nuk do të pranojë asnjë ofertë, e cila do të dorëzohet përtej afatit të përcaktuar dhe jo në përputhje me kërkesat e mësipërme.

Kjo ftesë për negociata do të publikohet në faqen e internetit të Komisionit Qendror të Zgjedhjeve, në adresën: www.kqz.gov.al

Jemi në pritje të konfirmimit tuaj për negociatim.